

發願念

一念為道四大合德齋主七世父母免脫憂

苦上昇天堂衣食自然

二念帝王國主道化興隆序濟濟皇教快

弘威儀翼普天所瞻民稱太平四夷賓

伏妖惡自滅賢聖日生

三念法師功德大建教化明達俱獲飛仙

四念同志學人早得仙道更相開度

五念元親和睦好尚仁義貴道賤財行為物

耗

六念損已布施道士及飢寒者天下人民各

得其所

七念蠕動政行一切眾生咸蒙成就

八念赦賞前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度一

切剋復飛仙白日登天拜見太上永成真

人雲車羽駕和與道合真

存神燒香

香官使者左右龍虎君侍香諸靈官當令臣

建齋之所自然生金液丹碧芝英百靈眾具

交會在此香大爐前令臣學道得道求仙得

仙齋主受福幽顯雷恩十方仙童玉女侍衛

香烟停臣向來所啓建遠徑御

太上元極大道至真玉皇上帝御前

出堂頌

回靜默堂

謝師

回向

靈寶領教濟度金書卷之二百五十六

靈寶領教濟度金書卷之二百五十七

洞微高士開光教苦其人審金具授

靈寶通玄弘教水南先生林靈真編

科儀立成品積壇道場用

午朝行道儀

燒香頌

各禮師存念如法

宣衛靈呪

丹靈朱火 炎霞激風 赤輪剛運 天光八衝

逆威包羅 交變萬方 流金豁落 群魔滅蹤

辟邪破妖 明耀元功 金符召制 躡雲乘龍

誦歌慶會 散花太空 神化冥運 四極安隆

伏御帝前 固有不從和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝闕啓玄壇天帝神君當召此間土地里

域真官正神急上闕啓臣今奉為入齊志以

今午朝行道願得玉清道炁靈寶妙炁下降

流入臣等身中今臣所發遠達徑御
太上天極大道至真玉皇上帝御前

請稱法位

具位臣等與臨壇官眾等謹同誠上啓
虛無自然元始天尊無極大道太上道君太
上老君高上玉皇上帝神霄玉清真王長生
大帝東極青華大帝九天應元雷聲普化天
尊九天雷祖大帝上清紫微碧玉宮太乙大
天帝六天洞淵大帝六波天主帝君可韓司
丈人真君九天來訪使真君雷霆九司諸天
省府東華西靈執職真眾天曹主執洞天福
地得道神仙水司陽祭隍社之神三界官屬
一切真靈臣聞妙道難明運真精於五太至
真恍惚凝神粹於三才御圓蓋而梵炁森羅
包方輿而靈光宰制上極无上化日月而布
星辰高拱彌高莫山川而毓草木凡固形於
陶冶悉委係於爐鑪臣等志慕太上誠知
白漱流枕石逍遙自樂於山中盤整昂霄奮
迅獨超於象外乘非蹈過贊化承天歸心頌
教之宗勵志學真之旨凡有投告敢不闕聞

具有心詞謹當敷奏

宣詞

按如詞旨已極衷情臣聞百穀用成率自風
調而雨順三農胥慶重由物阜以時康故黃
泥享溫飽之謀皆玄穹錫化育之惠奈何紫
炁產此蝗蟲什百而食稻心萬萬千
而餐禾葉聲猶雷震際林木則齧咬無餘勢
若風翻過草芥則嚼噬極農夫戰慄婦
驚惶之萬象吞蝗之才任其作止邊累朝捕
蝗之令難俾生全將成凶歲以徂飢鳥使豐
年而求飽爰嚴定宇庸築芝壇為請命於上
玄庶流恩於下界實花四雨霓旌浮曉露之
光鈞樂九成羽葆簇歲難之仗龍壁列鎮風
僧效忠輅白玉之真光微紫金之瑞相為齋
主人等驅除妖孽斷絕蝗螟或尅日而度
化他蟲或登時而移徙外境稍梁再長禾黍
重抽或卒歲以優游慶有年而宴樂以今午
朝行道請法眾等運茲初捨上香
願此香烟騰空徑上供養
无上至真道寶臣等皈身皈神皈命五體投

地仰依

太上三尊願以是香功德上祝
皇帝陛下伏願德契文謨政隆武烈觀風慕
義梯山航海以朝東就日歸仁通重譯而
拱北聖壽若泰山之固皇圖猶溟海之深秉
萬年枝八極慕無為之化擗千秋鏡九圍歌
有道之長今故燒香自皈依
師尊大聖眾至真之德得道之後保天長存
和與道合真
以今午朝行道請法眾等運茲二捨上香
願此香烟騰空徑上供養
无上至真經寶臣等皈身皈神皈命五體投
地仰依
太上三尊願以是香功德歸流內廷百司外
蕃庶枚伏願傾心輔主竭膺為民烟閣芳流
耀旂常之偉績雲臺舉萬植竹帛之弘功列
爵而帶礪盟天建國而金陽鎮地今嚴保障
惟擊柝於良宵政寬爾絲息火爇於永夜今
故燒香自皈依
師尊大聖眾至真之德得道之後升入無形

和與道合真

以今午朝行道誦法衆等連茲三拾上香願此香烟騰空徑上供養

无上至真師寶臣等皈身皈神皈命五體投地仰依

太上三尊願以是香功德歸流九州四海萬姓三軍伏願八圓惠滿九軌恩敷地平天成赤子並歸於夏屋河清海晏蒼生同樂於春臺光風轉而夕旂聲沈霽月遙而曉犂影動神營露冷金天母關於銀河榆柳烟濃葦宇

勿干於金井今故燒香自皈依師尊大聖衆至真之德得道之後長享自然和與道合真

臣等今故燒香皈身皈神皈命

東方无極太上靈寶天尊已得道大聖衆至真諸君大人九炁天君東鄉神仙諸靈官懺悔齊主未人等浩劫以來稟生之後不敬天地不畏神明輕慢五常傲忽四大縱恣三業馳騁六情惟務騰淫不思慚愧穢賤穀米液

禮方十方

茂孤寒萬件千條未經懺謝致使凶災存降

飛蝗蔽天黍稷稻粱悉遭啣蝕服田力穡焉

觀有秋今故燒香志心皈命伏願玄穹錫美神祇矜憐降雨興風驅茲妖孽流移他境毋

侵此疆庶得百穀豐成困倉厚實官賦易辦民食俱登八荒無虞三農有慶得道之後升

入無形和與道合真

控轡通十方 旋慈玄景阿 仰觀劫內臺 俯盼紫雲羅 道遙太上京 相與坐蓮花 積學為真人 恬然榮衛和 永享無期壽 萬椿奕足多

又 大道師玄寂 升仙友无美 公子度靈符

又 太乙捧洞章 舍利耀金姿 龍駕倏來迎

又 天尊時雲輿 飄飄乘虛翔 香花若飛雪

又 氣雷茂玄梁 又 頭腦禮金闕 攜首遊玉京 窈窕圓景園

煥爛七寶林 天獸三百名 獅子巨萬尋

飛龍躡瑞吟 神風應節鳴 靈風角奇花

清香散人襟 自無高仙才 焉能脫此心

三啓頌 鬱鬱家國威 濟濟經道典 天人同共願

妙妙入大乘 因心立福田 靡靡法輪昇

七祖生天堂 我身白日騰

臣等至心稽首禮 太上无極大道

臣等至心稽首禮 三十六部尊經

臣等至心稽首禮 玄中大法師

重稱法位 具位且恭與臨壇官衆等謹重誠上啓

虛无自然元始天尊无極大道太上道君太上老君高上玉皇上帝神霄玉清真王長生大帝東極青華大帝九天應元雷聲普化天尊九天雷祖大帝上清紫微碧玉宮太乙大

天帝六天洞淵大帝六波天主帝君可韓司
丈人真君九天採訪使真君雷震九司諸天
省府東華西靈執職真君天曹主執洞天福
地得道神仙水司陽祭壇社之神三界官屬
一切真靈且聞碧落空歌造不識不知之地
紫虛鬱秀疑無塵無臭之天運九清而風篆
昭昭貫三洞而龍章榮榮迎祥衍慶莫非保
衛於民生并變刺奸軌匪奉承於帝力況茲
惡氛之襲遠起妖蝗之災今齋主共晰夕奉
拳夙宵切切農生九穀將豐稔而速遭殘田
產二禾方成熟而忽罹毀目逆莫極耳割無
終深慮歷劫以前累生之後六情恣縱三業
紛紜棄四維而弗備慢五常而罔顧天文易
逆地理多違傲忽後生惟出言而謗訛凌侮
前輩每違語以詆訶致天災之易臻而民食
之有損匪庸懺悔島望和寧故潔己以修齋
為數心而致禱瑞門日近降龍御於霄衢闕
道風清格鬻和於輦路伏冀昭回神鑒俯察
凡衷頒宣地司為掃除於往咎救勒田吏即
驅蕩於姦孽庶得鄉井肅清田疇豐稔既秀

且實廉多億祲之收將川而春倉有贏餘之
積粟垂非采仰荷葵頓上頌乾清坤寧陽輝
陰耀烟雲滅靜日月光華湛露凝甘澤山林
而曉潤景星煥彩昭井落以宵明九宵和風
鶴之鳴萬里香雲鵬之運飛潛化化鞠青草
於園扉動植生生靜綠林於方野三途罷對
五道停輪則上明
天尊大慈之化下副齋主皈命之誠謹啓以
聞

發願

一願大道淡泊虛無安閑空寂澄清自居廣
爾法門教導頑夫皆蒙惠澤精苦自修預
以同學普得升虛與天相保長存無憂
二願諸天結炁澄清高虛廣覆保真固靈氣
候調節四運和平國安民豐普天咸寧廣
濟一切患運有生保天長存億劫不傾
三願土地覆載無窮安平不陷海淪不崩保
鎮家國兆民興從養生安死惠周十方未
稼滋植管運日豐咸得覆載萬類皆從
四願日月二景高明無有字蝕虧盈安靖光

照諸天洞淵暗冥保固劫運世作和平普
加潤澤惠西衆生

五願星辰與天齊光轉燭照耀朗映十方各
安其位經緯直行保鎮家國無有災傷四
海寧一普願昌隆

六願四時隨節推遷景炁和調無有災患疫
毒消滅普天安平五穀豐熟國富民歡

七願浮雲結炁聚烟飛空高澄陰覆玄玄隱
則無為散則彌天神仙同居結友衆真惠
流一切與國愛民普濟群生人同劫年

八願風雨徧洒無窮普加施洎受其發揚萬
物滋生國儲民豐

九願五嶽各安其方巍巍包藏長為仙官安
鎮國祚保天無終護度一切莫不仰宗

十願江海蕩蕩無極舍容恢廓無細不植淵
奧柔惠潤加蟪息天人復慶年同劫石

十一願帝王國主日昌四鎮安睦兵革不揚
天人歌唱吉應來翔敷教濟濟威化揚揚
兆庶稱慶長樂未央
十二願蛇飛蠢動已生未生成蒙安全普得

生成皆見元氣受陽之形草木果林經冬不零一切濟度靡不鮮榮和與道合真

存神燒香

香官使者左右龍虎君侍香諸靈官當今臣建齋之所自然生金液丹碧芝英百靈眾具

交會在此香火爐前令臣學道得道求仙得仙齋主受福幽顯靈恩十方仙童玉女侍衛香烟傳臣向來所啓速達徑御
太上无極大道至真玉皇上帝御前
出堂頌

回靜默堂

謝師

回向

靈寶頌教濟度金書卷之二百五十七

靈寶頌教濟度金書卷之二百五十八

洞極高士開光救苦真人齊全具投
靈寶通古弘教水南先生林豐具編

科儀立成品類用

晚朝行道儀

燒香頌

各禮師存念如法

宣衛靈呪

五星高耀 瑞炁飛浮 元始集神 天地交周
玉符寶節 嘯命微幽 擲火揚威 圻山無留

萬魔摧伏 氛氲都消 摧怪伐惡 道炁同流
神光照夜 陰翳俱收 萬仙降格 翕景乘馳

群仙咸遠 惠遍神州 和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉女五帝直符直日香官各三十二人出出者嚴裝關啓玄壇天帝君當召此間土地里城真官正神急上關啓臣今奉為八春意以今落景墜壇行道願得玉清道炁靈寶妙光下

降流入臣等身中今臣所啓速達徑御
太上无極大道至真玉皇上帝御前

請稱法位

具位臣等與臨壇官眾等謹同誠上啓

太上无極大道元始天尊上清真境靈寶天尊太清仙境道德天尊昊天至尊玉皇上帝中天北極紫微大帝太微上宮天皇大帝右土皇地祇九天生神上帝五靈五老上帝三十二天上帝上清十一曜星君南斗六司真君北斗七元真君二十八宿星君天田星君

八穀星君太玄樞機三省上相真君靈寶五師真君三元三官帝君北極四聖真君天帝諸司真君十方無極飛天神王五天三界大魔王三天門下三元真君上章詞表靈官三洞四輔經錄法科上相高真神仙將吏五嶽五帝真君五天聖帝名山洞府洞天福地靖虛治化得道仙官本派祖玄真師經籍度師真人東嶽掌籙籙籙仙官掌籙靈靈仙官田家祀典聖眾地水二司城隍杜令里域土地三界官屬一切真靈臣聞元始御清微之運